

Aan: Prensa di Aruba

Onderwerp : Carta di alarma dokternan di cas

Kenmerk : **20210707B**

Datum : 7 juli 2021

Geachte heer/mevrouw,

Apreciable ciudadano,

Nos como dokternan di cas (HAVA) kier pidi boso atencion pa e situacion critico cu boso lo ta enfrentando dentro di poco tempo y ya ta mustrandó su prome efectonan. Practicanan di dokternan di cas tin retonan grandi pa añas nan caba pa mantene cuidó na un nivel aceptabel pa nan patientnan door di falta di inversion y adaptacion di e budget di huisartsenzorg (prome linea di cuidó). E ultimo contract firma cu AZV ya caba ta di 2013 y gastonan operacional a sigui subi door di inflacion, costo di material y personal y exigencianan den servicio di calidad stipula door di AZV. Esaki ta nifica cu pa paar di aña caba practicanan di dokter di cas no por cubri nan gastonan eficientemente cu resultado di tin budget net riba rand di balans of negativo. Dokternan di cas no por ni permiti nan mes un pensioen of seguro di incapacidad (arbeidsongeschiktheidsverzekering) locual ta un derecho pa tur empleado medico. Actualmente tin 46 dokter di cas na Aruba pa 107.576 asegurado di AZV. Esaki ta resulta den praktiknan cu un promedio di 2.350 patient pa cada dokter di cas. Un cantidad cu awendia no ta manehabel mas locual ta pone hopi preshon riba e servicio y disponibilidad di e oficinanan creando un domino-effect riba e cadena di cuidó cu patientnan atendiendo na Eerste Hulp di Hospital y IMSAN innecesariamente (na Hulanda e promedio actual ta 2.095 y tin hopi praktiknan cu cantidad mas abow). Esaki ta crea ineficiencia den e structura di cuidó cu gastonan mas halto pa AZV y Salubridad Publico.

Door di e pandemia di COVID-19 AZV riba instruccion di gobierno a dicidi di corta 5% riba e budget di tur dunadornan di cuidó. For di principio di solidaridad, HAVA y su miembronan a dicidi di no bai den protesta y a tuma un recorte di 4.125% riba e budget di e praktiknan. Nos kier enfatisa cu budget no

ta igual na entrada di dokternan di cas. E gastonan di personal, utilidadnan y huur/hipoteca y material por ehempel no a baha. Esaki ta nifica cu e budget cu ya caba pa años twt hopi krap a pone praktiknan bai den situacion critico. Esaki a pone cu dokternan di cas a dicidi di corta den nan servicio ya cu no por a corta den gastonan operacional. AZV a lanta un caso sumario contra dokternan di cas pa esaki y e dokternan di cas lamentablemente a perde nan caso contra AZV.

Actualmente nos situacion financiero no a cambia. Door di e situacion precario locual cu nos a premira y a alerta AZV y gobierno riba dje año pasa ta birando realidad. Pa September 2021 lo tin **12.500-15.000 patient cu lo keda sin dokter di cas** door cu 5 praktiknan di dokter di cas lo bai sera nan porta. Nos a sondea den nos seno y tin mas colega cu lo tuma e decision dificil mirando cu e situacion no lo cambia por lo pronto. Pa e motibo aki nos kier bati alarma na pueblo pa e situacion alarmante cu ta wordo crea actualmente y ta urgi AZV y gobierno pa tuma e pasonan necesario pa yega na un solucion prome cu te mucho laat y daño irreparable wordo hasi na salud di nos ciudadanonan y estructura di nos Salud Publico en general

Atentamente,



Juaquin S. Van Trigt
Presidente di HAVA